

漢書門  
類號函架冊  
二五八六  
一〇九六  
六二一

內閣文庫  
漢書類  
一五八六  
六二冊  
二七四函架

內閣文庫	
番號	漢 11586
冊數	62 ( 15 )
函號	274 82

十五







禮樂合編卷之七

錫山日齋黃 廣無蛙父纂述

未齋萃琪芳芳侯父叅閱

庭闈之禮統紀

聖父 賢婦

賢母

伯禽與康叔封朝于成王。見周公。三見而三笞。康叔有駭色。謂伯禽曰。有商子者。賢人也。與子見之。見商子曰。日吾二子者。朝成王。見周公。三見而三笞。何也。商子曰。二子盍相與觀乎南山之陽。有木焉。名曰橋。二子者。往觀乎南山之陽。見橋竦焉。實而仰。反以告。



商子。商子曰橋者。父道也。商子曰二子盍相與觀乎。南山之陰。見梓勃焉。實而俯。反以告商子。商子曰梓者。子道也。二子者。明日見周公。入門而趨。登堂而跪。周公勞而食之。曰安見君子。二子對曰見商子。周公曰君子哉。商子也。周書

孔子母顏。名徵。在叔梁紇嘗求婚於其父。父問曰。既大夫父子為仕。誰能事之。徵在曰。從父所制。曰汝即能矣。遂歸紇。後與紇禱於尼丘。生孔子。列國世家季康子問於公父文伯之母曰。主亦有以語肥也。對

曰。吾聞之先姑曰。君子能勞。後世有繼。子夏聞之曰。善哉。商聞古之嫁者。不及舅姑。謂之不幸。夫婦學於舅姑者也。

公父文伯之母如季氏。康子在其朝。與之言。弗應。從之。及寢門。弗應而入。康子辭於朝而入。見曰。肥也不得聞命。無乃罪乎。曰。子弗聞乎。天子及諸侯。合民事於外朝。合神事於內朝。自卿以下。合官職於外朝。合家事於內朝。寢門之內。婦人治其業焉。上下同之。夫外朝子將業。君之官職焉。內朝子將庀季氏之政焉。



皆非吾所敢言也。

公父文伯退朝朝其母其母方績文伯日以歎之家  
而主猶績懼于季孫之怒也其以歎爲不能事主乎  
其母歎曰魯其亡乎使僮子備官而未之聞耶居吾  
語汝昔聖王之處民也擇瘠土而處之勞其民而用  
之故長王天下夫民勞則思思則善心生逸則淫淫  
則忘善忘善則惡心生沃土之民不材淫也瘠土之  
民莫不嚮義勞也是故天子大采朝日與三公九卿  
祖識地德日中考政與百官之政事師尹惟旅牧相

宣序民事少采夕月與太史司載糾虔天刑日入監  
九御使潔奉禘郊之粢盛而後卽安諸侯朝修天子  
之業命晝考其國職夕省其典刑夜儆百工使無惰  
淫而後卽安卿大夫朝考其職晝講其庶政夕序其  
業夜庀其家事而後卽安士朝而受業晝而講貫夕  
而習復夜而計過無憾而後卽安自庶人以下明而  
動晦而休無日以怠王后親織玄統公侯之夫人加  
之以紘紕卿之內子爲大帶命婦成祭服列士之妻  
加之以朝服自庶士以下皆衣其夫社而賦事烝而



獻功。男女效績。愆則有辟。古之制也。君子勞心。小人勞力。先王之訓也。自上以下。誰敢滯心。舍力。今我寡也。爾又在下位。朝夕虔事。猶恐忘先人之業。况有怠惰。其何以避辟。吾冀而朝夕修我。曰必無廢先人。爾今日胡不自安。以是承君之官。余懼牧伯之絕祀也。仲尼聞之曰。弟子志之。季氏之婦不滯矣。魯語公父文伯之母季康子之從祖叔母也。康子往焉。闔門與之言。皆不踰閭。祭悼子。康子與焉。酢不受。徹俎不宴。宗不具。不繹。繹不盡。飫則退。仲尼聞之以為別。

於男女之禮矣。

公父文伯飲南宮敬叔酒。以露睹父為客。羞鼈焉。小睹父怒。相延食鼈。辭曰將使鼈長而後食之。遂出。文伯母聞之怒曰吾聞之先子曰祭養尸饗養上賓鼈於何有而使夫人怒也。遂逐之。五日魯大夫辭而復之。公父文伯卒。其母戒其妾曰吾聞之好內。女死之好外。士死之。今吾子夭死。吾惡其以好內聞也。二三婦之辱其先祀者。請無瘠色。無洵涕。無拍膺。無憂容。有



禮樂全編 卷之七 匡  
降服無加服。從禮而靜。是昭吾子也。仲尼聞之曰。女知莫如婦。男知莫如夫。公父氏之婦。知也。夫欲明其子之令德也。

公父文伯之母朝哭。穆伯而莫哭。文伯仲尼聞之曰。季氏之婦。可謂知禮矣。愛而無私。上下有章。

叔姬。羊舌子之妻。叔向叔魚之母也。羊舌子好直。不容於晉。去而之三室之邑。邑人攘羊而遺之。羊舌子不受。姬曰。不如受而埋之。羊舌子曰。何不餉肸與鮒。姬曰。不可。南方有鳥曰吉。乾食其子。不擇肉。子多不

義。今肸與鮒童子也。隨大人而化。不可食。以不義之肉。乃盛以甕。埋壚陰。後事敗。吏至。發而視之。舌尚存。

吏曰。君子哉。羊舌不與攘羊矣。已上類編

孟子少時。問東家殺猪何爲。母曰。欲啖汝。旣而悔曰。吾聞胎教。割不正不食。席不正不坐。今適有知而欺之。是教之不信。乃買猪肉以食之。韓詩外傳

孟軻母舍近墓。孟子少嬉游墓間。母曰。此非所以處子也。乃遷舍市傍。孟子戲賈人銜賣之事。母曰。此非所以處子也。復徙舍學宮之傍。軻戲設俎豆。揖讓進



退母曰此可以處吾子矣。古苑

王孫賈事閔王。王走出。失王之處。其母曰。汝朝出而晚來。則吾倚門而望。汝暮出而不歸。則吾倚閭而望。汝今王出。汝不知處。尚安歸。賈迺入市。呼市人攻殺。淖齒。齊亡。臣相與求王子。立之。卒以復國。齊史

趙王以趙括為將。代廉頗。括將行。母上書言括不可。使將。王曰。何以。曰。始妾事其父。時為將。身所奉飯飲。而進食者。以十數。所友者。以百數。大王及宗室所賞賜者。盡以予軍吏士大夫。受命之日。不問家事。今括

一旦為將。東向而朝。軍吏無敢仰視者。王所賜金帛。歸藏於家。而日視便利田宅。可買者。買之。王以為何如其父。父子異心。願王勿遣。王曰。吾已決矣。母曰。有。如不稱。妾得無隨坐。王諾。後秦軍射殺趙括。趙前後亡卒。凡四十五萬。王以括母先言不坐。趙史

趙衰從晉文公奔狄。狄人以叔隗季隗入。文公以叔隗妻衰。生盾。及文公反晉。復以趙姬妻衰。生原。同屏。括。姬謂衰曰。得寵而忘舊。不義。好新而慢故。無恩。富貴而不顧。隘厄之交。無禮。棄此三者。何以為人。固請



迎盾與叔隗以隗爲內子而已。下之以盾爲嫡子。使其子下之。晉史

伯宗每朝其妻必戒之曰：盜憎主人，民惡其上。子好直言，必及於難。伯宗不從，果爲三郤所害。

伯宗朝以喜歸，其妻曰：子貌有喜，何也？曰：吾言於朝，諸大夫皆謂我知似陽子。對曰：陽子華而不實，主言而無謀，是以難及其身。子何喜焉？伯宗曰：吾飲諸大夫酒而與之語，爾試聽之。曰：諾。既飲，其妻曰：諸大夫莫子若也。然而民不能戴其上久矣，難必及子。子盍

亟索士，愁庇州犁焉。得畢陽，及欒弗忌之難，畢陽實

送州犁于荆。

周語二則

晏子爲齊相，出其御之妻，從門間而窺其夫。其夫爲相，御擁大蓋，策駟馬，意氣揚揚，甚自得也。旣而歸，其妻請去。夫問其故，妻曰：晏子長不滿六尺，身相齊國，名顯諸侯。今者妾觀其出，志念深矣，常有以自下者。今子長八尺，乃爲僕御，然子之意，自以爲足。妾是以求去也。其後夫自抑損，晏子怪而問之，御以實對。晏子薦以爲大夫。史記



孟子妻獨居踞。孟子入戶視之。白其母曰。婦無禮。請去之。母曰。何也。曰。踞。其母曰。何知之。孟子曰。我親見之。母曰。乃汝無禮也。非婦無禮。禮不云乎。將上堂。聲必揚。將入戶。視必下。不掩人。不備也。今汝入戶。不有聲。令人踞視之。是汝之無禮。非婦無禮也。於是孟子自責。不敢去妻。周書

從兄之禮本紀

惟孝友于兄弟。克施有政。君陳

有杖之杜。其葉濇濇。獨行踽踽。豈無他人。不如我同

父。嗟行之人。胡不比焉。人無兄弟。胡不飲焉。杖杜 衛風

常棣之華。鄂不韡韡。凡今之人。莫如兄弟。夾喪之

威。兄弟孔懷。原隰哀矣。兄弟求矣。脊令在原。兄弟

急難。每有良朋。况也求歡。兄弟閱于墻外。禦其務。

每有良朋。烝也無戎。喪亂既平。既安且寧。雖有兄

弟。不如友生。儉爾籩豆。飲酒之飫。兄弟既具。和樂



且孺。妻子好合。如鼓瑟琴。兄弟既翕。和樂且湛。常

秩秩斯干。幽幽南山。如竹苞矣。如松茂矣。兄及弟矣。

式相好矣。無相猶矣。斯干

伯氏吹壎。仲氏吹篪。及爾如貫。諒不我知。出此三物。

以詛爾斯。何人

有頍者弁。實維何爾。酒既旨。爾殽既嘉。豈伊異人。

兄弟匪他。葛與女蘿。施于松柏。未見君子。憂心奕奕。

既見君子。庶幾說懌。頍弁

此令兄弟。綽綽有裕。不令兄弟。交相為瘡。角弓

題彼脊令。載飛載鳴。我日斯邁。而月斯征。夙興夜寐。

無忝爾所生。小宛

維此王季。因心則友。則友其兄。則篤其慶。皇矣

兄之行若中道。則兄事之。兄之行若不中道。則養之。

養之內不養於外。則是越之也。養之外不養於內。則

是疏之也。是故君子內外養之。

飲食以齒。力事不讓。辱事不齒。執觴觶。杯豆而不醉。

和歌而不哀。不衡坐。不苟越。不干逆色。趨翔周旋。俛

仰從命。不見於顏色。大戴禮



從兄之禮統紀

孤與太公志同願等。雖楚魏絕邈。山河迥遠。戮力乃心。共獎王室。宣奕世之德。履丕顯之祚。摧嚴敵於鄴。都揚休烈於朔土。顧定疆宇。虎視河外。凡我同盟。莫不景附。何寤青蠅飛於竿旌。無極游於二壘。使股肱分成二體。胸膂絕爲異身。閔伯實沈之忿。已成棄親。卽讐之計。已決旃旆交於中原。暴尸累於城下。聞之。哽咽若存若亡。

昔齊襄公報九世之讐。士句卒苟偃之事。是故春秋



美其義。君子稱其信。夫伯游之恨於齊。未若太公之忿於曹也。宣子之臣承業。未若仁君之繼統也。且君子違難。不適讐國。交絕不出惡聲。况忘先人之讐。棄親戚之好。而為萬世之戒。遺同盟之耻哉。

夫欲立竹帛於當時。全宗祀於一世。豈宜同生分謗。爭校得失乎。若冀州有不弟之傲。無慙順之節。仁君當降志辱身。以濟事為務。事定之後。使天下平其曲。

直。不亦為高義耶。

漢書劉表  
諫袁譚

夏侯湛昆弟誥曰。咨爾昆弟。淳琬瑁。謨總瞻。淳英哉。

文明柔順。琬乃沉毅篤固。惟瑁厥清粹平理。謨茂哉。雋哲寅亮。總其弘肅簡雅。瞻乃純鑠惠和。惟我蒙蔽。極否於義訓。嗟爾六弟。汝其滋義。洗心以補予之尤。予乃亦不敢忘汝之闕。

嗚呼小子瞻。汝其見予之長於仁。未見予之長於義也。瞻曰。俞如何。湛若曰。我之肇于總角。以逮於弱冠。暨於今之二毛。受學於先載。納誨於嚴父慈母。予其敬忌於厥身。而匡予之纖介。翼予之小疵。使予有過。未曾不知。予知之。迨改。惟冲子是賴。

晉書  
二則



禮樂全錄 卷之七  
聞夫六龍方駕斯有御天之功。駟馬班如用效行地之力。是故大鵬之始。宛轉北溟。鄧林之初。婆娑下土。至於羽翮相資。遂能負蒼天而遊。罩青雲而立。此則相須之道。弘也。至如梁山萬仞。上千星辰。楚殿三休。俯臨風雨。及土石異勢。榱桷分離。遂與沙麓俱崩。坳塘共泯。此則相須之道。乖也。是知同德者易爲功。離心者難爲力。故牝鷄晨鳴。三賢孛戮。關雎樂得。十亂同知。

且夫兄弟者同天共地。均氣連形。方手足而猶輕。擬

山岳而更重。雲蛇可斷。兄弟之道。無分。鶴鴒載飛。急難之情。斯切。先王知兄弟之爲重也。故歌之於韶夏之舞。誦之於風雅之篇。敦骨肉而正人倫。風鬼神而動天地。

夫兄弟之情也。受之於天性。生之於自然。不假物以成親。不因言而結愛。閭墻不妨於禦侮。踰里猶借於伐樹。馭朽則須洛而歌。彎弓則涕泣而道。斯乃情存於不捨。義形於惻隱。豈如悠悠良辰。從容未嘆而已。是以四鳥禽也不能各離別之聲。三荆木也不能忍。



分張之痛。

是以通人君子。全同生之重。則恭順有章。戒惟家之  
索。而椒蘭無替。夫妻和於鼎飪。兄弟穆於清風。綠衣  
無燕燕之悲。角弓匪駢駢之嘆。其或分星宅土。開國  
承家。則能藩屏維城。左右王室。力足拔山。不敢問九  
鼎之重。才能動俗。不敢窺司馬之門。遂使封豕長蛇。  
犁國門而歛迹。井蛙幕燕。覩盤石而飛鳴。故能本支  
百代。洪基峻極。配合二儀。平章百姓。  
其在白屋黃冠。華門圭竇。三逕五畝。有足相容。至有

同衾共席。推梨讓棗。樂以簞瓢。榮同華萼。死生契濶。  
白刃交前。弟瘦兄肥。無胥遠矣。

或溺於私愛。棄彼天倫。生在膏腴。乘藉地勢。錫珪分  
竹。奄有山河。不能輔車相依。股肱同患。乃欲搖動我  
家宗。拔塞我本源。竟而青蠅飛於干旌。無極遊於二  
壘。集矢長勺。撫劍共池。是以五爭四裂。非關蛇鬪之  
妖。九合一匡。猶見蟲流之禍。

又有里閭之人。繩樞之子。栖息不過蓬蓽。咀嚼不越  
糟糠。無財可不忿爭。乃復尺布斗粟。不能相容。睚眦



蠶介側目切齒。遂使蕞爾箕帚。蠢爾孩童。萋菲其章。成是貝錦。於是分裂蝸角。稱號鴻毛。骨肉爲行路之人。兄弟無陟崗之望。痛矣。何必情矣。宮之奇唇亡之歎。深可撫心。王叔治斷臂之言。足爲流涕。至如三叔狼顧。七國鷄連。貔虎搏筮。江山表裏。當其時也。滄波可汲而斷。泰山可蹋而覆。朱旗尚卷。蒼兕未馳。不得高壘之謀。勿俟銜枚之陣。固以冰泮瓦解。魚潰鳥驚。身膏草莽。名彰史策。經過者爲之迴車。言談者爲之洗耳。斯豈時不利而兵不勁者哉。固以天

地所不容。人神所共惡者也。

假使驅長狄。駕遺風。宋萬附輿。慶忌參乘。勅弓飲石。長劍掛頭。冠雞佩玃。拖象拉兕。然而使之超九折。跨三危。浮呂梁。赴滄海。五尺童子。知其必亡。何則。道之非也。苟令心腹無瑕。昆季輯睦。雖使要離策杖。不占緩步。周流九達。容可危乎。

近者劉荊州之意氣。袁渤海之縱橫。當其吐納荆揚。鞭笞河朔。猛將厲於鷓鴣。謀臣盛於雲雨。從容嘯咤。有席捲八荒之心。固以震懾人靈。薰灼宇宙者。旣而



良圖未就。壯志先秋。瘡痍實生。蕭牆糜潰。天道與人。情共往。生人與草木俱萎。安得馬上而舞哉。

若以骨肉遠而為疏。即手足無腹心之用。判合近而為重。即衣衾為血屬之親。若衣衾附體而可離。手足遠身而可絕。斯則室家之不侔。兄弟明矣。夫異家者。所以避私。同穴者。示以不返。故傳曰。昆季一體。又曰。兄弟之道無分。若委支體於行路。阻天倫於胡越。非所願聞。已上常德志論

吐谷渾阿豺疾有子二十人。召母弟慕利延曰。汝取

一隻箭折之。慕利延折之。又曰。汝取十九隻箭折之。

慕利延不能折。阿豺曰。汝曹知乎。單者易折。眾者難

摧。戮力一心。然後社稷可固。晉史

喜不慶。憂不吊。則塗人也。吾所與相視如塗人者。其


初兄弟也。兄弟其初一人之身也。兄弟而一人之身

也。何岐爾我。蘇明允譜引

兄弟手足也。今有人斷其左足。以益右手。庸何利乎。

虺一身兩口。爭食相齧。遂相殺也。爭利而相害。何異

於虺。兄弟而手足之親也。何爭利害。司馬溫公家訓





人倫有五。而兄弟相處之日最長。君臣遇合。朋友聚會。久速固難必也。父之生子。妻之配夫。其蚤者皆以二十歲爲率。惟兄弟或一二年。或三四年。相繼而生。自竹馬遊戲。以至鮀背鶴髮。相與周旋。多至七八十年之久。若恩意浹洽。猜間不生。其樂豈有涯哉。程伊川

事長之禮本紀

年長以倍。則父事之。十年以長。則兄事之。五年以長。則肩隨之。

謀於長者。必操几杖以從之。長者問。不辭讓而對。非禮也。

羣居五人。則長者必異席。

幼子常視毋誑。童子不衣裘裳。立必正方。不傾聽。長者與之提攜。則兩手奉長者之手。負劔辟咄詔之。則掩口而對。



禮樂集 卷之七  
十一  
從於先生。不越路而與人言。遭先生於道。趨而進。正立拱手。先生與之言。則對。不與之言。則趨而退。從長者而上。丘陵。則必向長者所視。登城。不指城上不呼。將適舍。求毋固。將上堂。聲必揚。戶外有二屨。言聞則入。言不聞則不入。將入戶。視必下。入戶。奉扇。視瞻毋回。戶開亦開。戶闔亦闔。有後入者。闔而勿遂。毋踐屨。毋踏席。掘衣趨隅。必慎唯諾。

凡爲長者。糞之禮。必加帚於箕上。以袂拘而退。其塵不及長者。以箕自鄉而扱之。

奉席如橋衡。請席何鄉。請社何趾。席南鄉。北鄉。以西方爲上。東鄉。西鄉。以南方爲上。

先生書策琴瑟在前。坐而遷之。戒勿越。

虛坐盡後。食坐盡前。坐必安。執爾顏。長者不及。毋僂言。

正爾容。聽必恭。毋勦說。毋雷同。必則古昔。稱先王。侍坐於先生。先生問焉。終則對。請業則起。請益則起。



先生召無諾唯而起。

侍坐於所尊敬無餘席見同等不起燭至起食至起

上客起。

侍坐於君子君子欠伸撰杖屨視日蚤莫侍坐者請

出矣。

侍坐於君子君子問更端則起而對。

侍坐於君子若有告者曰少間願有復也則左右屏

而待。

侍坐於長者屨不上於堂解屨不敢當階就屨跪而

舉之屏於側鄉長者而屨跪而遷屨俯而納屨

長者賜少者賤者不敢辭。

已上曲禮

侍飲於長者酒進則起拜受於尊所長者辭少者反

席而飲長者舉未醕少者不敢飲。

御同於長者雖貳不辭偶坐不辭。

侍於君子不顧望而對非禮也。

父之齒隨行兄之齒雁行朋友不相踰。

尊長於已踰等不敢問其年燕見不將命遇於道見

則面不請所之侍坐弗使不執琴瑟不畫地手無容



不。娶。也。寢。則。坐。而。將。命。侍。射。則。約。矢。侍。投。則。擁。矢。勝。則。洗。而。以。請。已上少儀

事師之禮本紀

能自得師者王。仲虺之誥

德無常師。主善為師。咸有一德

君子知至學之難易。而知其美惡。然後能博喻。能博喻。然後能為師。能為師。然後能為長。能為長。然後能為君。故師也者。所以學為君也。是故擇師不可不慎也。記曰。三王四代。惟其師。其此之謂乎。

凡學之道。嚴師為難。師尊。然後道尊。道尊。然後民知敬學。是故君之所不臣於其臣者。二。當其為尸。則弗



臣也。當其爲師則弗臣也。大學之禮。雖詔於天子。無北面。所以尊師也。善學者師逸而功倍。又從而庸之。不善學者師勤而功半。又從而怨之。善問者如攻堅木。先其易者。後其節目。及其久也。相說以解。善待問者如撞鍾。叩之以小者則小鳴。叩之以大者則大鳴。待其從容然後盡其聲。記問之學。不足以爲人師。必也其聽語乎。力不能問。然後語之。語之而不知。雖舍之可也。

古之學者。比物醜類。鼓無當於五聲。五聲弗得不和。水無當於五色。五色弗得不章。學無當於五官。五官弗得不治。師無當於五服。五服弗得不親。已上樂記魯昭公曰。子旣生不免於水火。母之罪也。成童不就師。傳父之罪也。就師學問無方。心志不通。師之罪也。穀梁

孔子曰。吾聞老聃。博古知今。通禮樂之原。明道德之歸。則吾師也。吾將往矣。遂問禮於老聃。家語



事師之禮統紀

師術有四。尊嚴而憚。可以爲師。耆艾而信。可以爲師。誦說不凌。可以爲師。知微而論。可以爲師。荀卿

哀公曰。五帝有師乎。子夏曰。臣聞黃帝學乎大墳。顓頊學乎祿圖。帝嚳學乎赤松。堯學乎附成子。舜學乎尹壽。禹學乎西王國。湯學乎貸平相。文王學乎錫疇。子斯。武王學乎太公。周公學乎豨叔。仲尼學乎老聃。此十一聖人。未遭此師。則功業不能著乎天下。名號不能傳乎後世。



禮記卷之七  
卷之七  
三十一

善弓者師弓不師羿。善舟者師舟不師奭。善心者師

心不師聖。關尹子  
五鑑

天地生我而不能鞠我。父母鞠我而不能成我。成我

者夫子也。道不啻天地父母。文中子  
王道

青采出於藍而質青於藍者。教使然也。史記三  
王世家

日月不宇宙四指必迷所鄉矣。仲尼人之準繩也。子  
華

學之有師亦如樹之有根也。大智既成復能成就小

智猶樹根生子子復能生根展轉相生種類不絕。御  
覽

夫達師之教也。弟子安焉樂焉休焉游焉肅焉嚴焉。

則邪僻之道塞不得則君不能令於臣父不能令於

子師不能令於徒。孫卿

智如泉源行可以為表儀者人之師也。韓詩  
外傳

天下之師絕久矣。今之名師者徒使組刺章句希望

科第而已。昔者子路使子羔為費宰。子曰賊夫人之

子。今賊人者皆是。是皆取戾於孔子者也。惡得為人

師。王令  
師說

學之所入淺體之所安深。是以閑習禮容不如式瞻

禮記卷之七  
卷之七  
三十一



儀度。諷誦遺言。不若親承音旨。

晉書司馬越

南榮越既遇老聃。噩若慈父。鴈行避景。夔立蛇進。而

後敢問見教。一高言若饑十日而得太牢焉。

賈誼新書

公明宣學於曾子。三年不讀書。曾子曰。宣而居參之

門。三年不學。何也。公明宣曰。安敢不學。宣見夫子居

宮庭。親在叱吒之聲。未嘗至於犬馬。宣說之。學而未

能。宣見夫子之應賓客。恭儉而不懈惰。宣說之。學而

未能。宣見夫子之居朝廷。嚴臨下而不毀傷。宣說之。學而

未能。宣說此三者。學而未能。宣安敢不學而居

夫子之門乎。曾子避席謝之曰。參不及宣。其學而已。

說苑

童子魏照求入事郭泰。供給灑掃。泰曰。當精義講書。

何來相近。照曰。經師易獲。人師難遭。欲以素絲之質。

附近朱藍。

漢記



裕後之禮本紀

明明我祖。萬邦之君。有典有則。貽厥子孫。關石和鈞。

王府則有。五子之歌

王懋昭大德。建中於民。以義制事。以禮制心。垂裕後

昆。仲虺之誥

王懋乃德。視乃烈祖。無時豫怠。太甲

若考作室。既底法。厥子乃弗肯堂。矧肯構。厥父菑。厥子乃弗肯播。矧肯穫。厥考翼其肯。曰。予有後。弗棄基。  
大誥





若稽田。既勤敷。菑惟其陳。修為厥疆。畝若作室。家既勤垣。墉惟其塗。墜若作梓材。既勤樸斲。惟其塗丹。

艘梓材

我民迪小子。惟土物愛厥心。臧酒誥

麟之趾。振振公子。于嗟麟兮。麟之定。振振公姓。于

嗟麟兮。麟之角。振振公族。于嗟麟兮。麟趾

文王孫子。本支百世。文王

既受帝祉。施于孫子。皇矣

昭茲來許。繩其祖武。於萬斯年。受天之祜。下武

豐水有芑。武王豈不仕。詒厥孫謀。以燕翼子。文王有聲

千祿百福。子孫千億。穆穆皇皇。宜君宜王。不愆不忘。

率由舊章。假樂

君子有穀。詒孫子。周頌有駟



古人有言曰。其父析薪。其子不克負荷。左傳

良冶之子。必學為裘。良弓之子。必學為箕。學記

天子有田。以處其子孫。諸侯有國。以處其子孫。大夫

有采。以處其子孫。禮運





正徳  
三十五



